

bien qu'aux mois de Decemb. et janu. et quand la neige est mauuaise. Quelqvns sont morts de Faim.

17 Les Seculiers et ceux qui disent que si vn Sauvage ne sçauoit pas qu'il dût s'eniurer, il ne boiroit pas. cela n'est pas general et ie l'ay vü, et crois faux en plusieurs jay vü Medart Esquimeux en auoir encor aux Roÿs au temps de mon premier hiuernement avec pierre courpon, et Martin Echineskaſat.

j'ay vü le grand charles en garder mieux que de Francois et mesme en Traitter aux Autres.

Jaÿ vü Medartchis Etechemin en refuser, et quelqs Sauvagesses aussÿ, quoÿ qu'elles eussent desia beus, et plusieurs n'en vouloir boire q'un coup ou deux.

Le grand charle de Tadoussak en beuuoit Tous les Matins iusqu'a ce que son petit Baril ou sa caue á Flacon duroit et vn coup quand il retournoit de la chasse ou de Voiage, et disoit à vn chacun qu'il sen trouuoit tres bien.

Jaÿ vü Louÿs Kestabistichit mon hoste en menager vne chopine plus de dix jours, et cela plus de quatre á cinq fois; et ne pas toucher à celle que i'auois mis dans vne petite bouteille pour lesprouuer, quoÿ qu'il scut le Lieu ou elle estoit.

18 plusieurs ont porté quelqs Barils de Vin, et d'eau de Vie au Lacq St Jean avec plus de Fidelité que Quelqs François, et que Quelqvns des Hommes á gage.

19 Quelqvns en ont gardé et Traitté aux Mÿstassins. Louÿs Kestabistichit m'a assuré auoir eü 24 ou 26 castors d'un petit baril porté de chegſtimÿ, et puis traitté a Kſchaſraganich, et Echitamagat sans aucun desordre et avec la satisfaction de ces Estrangers